

**I** FLETËUDHËZUES I PAKETIMIT:  
Informacion për pacientin

## KLORUR NATRIUMI

Tretësisirë për injeksion – 1000 mg / 10 ml (10 %)  
Tretësisirë për injeksion – 85 mg / 10 ml (0.85 %)  
Tretësisirë për perfuzion – 0.9%  
(Klorur natriumi)

### Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

### Në këtë fletëudhëzues:

- Çfarë është Klorur natriumi dhe përse përdoret
- Përpara se të merrni Klorur natriumi
- Si ta merrni Klorur natriumi
- Efekte anësore të mundshme
- Si ta ruani Klorur natriumi
- Informacion i mëtejshëm

### 1. ÇFARË ËSHTË KLORUR NATRIUMI DHE PËRSE PËRDORET

Klorur natriumi është një produkt farmaceutik që ka si lëndë aktive klorurin e natriumit. Kloruri i natriumit bën pjesë në grupin e madh të elektrolitëve. Ai është përdorur në menaxhimin dhe rregullimin e deficitit të joneve të natriumit dhe klorit në kushtet e një humbjeje të madhe të kripërave.

Tretësirat e kripërave të natriumit përdoren si burim i klorurit të natriumit dhe ujit për hidratim. Një tretësisirë 1000 mg / 10 ml (10 %) është hiperosmotike.

### 2. PËRPARA SE TË MERRNI KLORUR NATRIUMI

#### Mos merrni Klorur natriumi:

- në rastet e një mbihidratimi;
- në insuficiencë renale të rëndë;
- në qoftë se jeni i ndjeshëm (alergjik) ndaj ndonjërit prej përbërësve të tjerë të barit, pasi mund të shfaqen reaksione alergjike;
- në rastet e hipernatremisë, hiperkloremisë;
- në rastet kur përdorimi i natriumit ose i klorit mund të jetë i dëmshëm nga ana klinike.

#### Tregoni kujdes të veçantë me Klorur natriumi

Pyesni mjekun tuaj përpara se të merrni Klorur natriumi.

Sasitë e mëdha të klorurit të natriumit, të marra me çfarëdo rruge mund të shkaktojnë hipokalemi dhe acidozë.

Përdorimi i Klorur natriumi duhet bërë me kujdes në

të sëmurët me dëmtim të funksionit të veshkave, në insuficiencë kardiake, në hipertension, në edemë periferike dhe pulmonare, në toksemi të shtatzënisë, në cirrozë hepatike dhe gjendje të tjera të lidhura me mbajtjen e natriumit.

Duhet treguar kujdes nëse përdoret tek fëmijët apo të moshuarit.

Tretësira me përqëndrim të klorurit të natriumit më të lartë se 0.9% (tretësisirë hipertonike) duhet përdorur me kujdes, me shpejtësi të kontrolluar dhe vetëm në rastet kur është qartësisht e indicuar.

Në pacientët që përdorin barna kortikosteroidë ose kortikotropikë, kloruri i natriumit duhet përdorur me shumë kujdes.

Gjatë perfuzionit është mirë të kontrollohet bilanci i lëngjeve, i elektrolitëve, osmolariteti plazmatik dhe ekuilibri acido-bazik.

### Marrja e barnave të tjera

Ju lutemi të kontaktoni me mjekun ose farmacistin tuaj në qoftë se jeni duke marrë ose keni marrë kohët e fundit barna të tjera, përfshirë ato të marra pa recetë.

Për të minimizuar rrezikun e papajtueshmërive të mundshme që mund të shfaqen nga përzierja e tretësisirës për perfuzion Klorur natriumi me tretësira të tjera, duhet vërejtur me kujdes përzierja përfundimtare para injektimit dhe periodikisht gjatë përdorimit, për mundësinë e ndonjë turbullire ose fundërrese. Është veçanërisht e rëndësishme që mjeku juaj të jetë në dijeni të faktit që ju jeni trajtuar me:

- kortikosteroidë, sepse ata shoqërohen me mbajtje të natriumit dhe ujit duke dhënë edema dhe hipertension, kështu që nevojitet shumë kujdes nëse administrohen njëkohësisht kortikosteroidë dhe kripëra të natriumit;
- glukozë dhe fruktozë për rregullimin e nivelit të elektrolitëve;
- manitol dhe acetat natriumi në tretësirat diuretike, në kirurgjinë e kataraktit, në dëmtimin e funksionit të veshkave;
- klorur kalçiumi dhe klorur kaliumi për trajtimin e problemeve në tretje;
- bikarbonat natriumi në komë diabetike;
- klorur kaliumi, klorur magnezit gjatë kirurgjisë së zemrës;
- sulfat natriumi, sulfat magnezi, sulfat kaliumi dhe klorur kaliumi në kurimin e kapsllëkut.

### Shtatzënia dhe ushqimi me gji

Kërkoni këshillën e farmacistit ose të mjekut përpara se të merrni këtë bar.

Kujdes i veçantë duhet treguar në gratë që vuajnë nga toksemia gjatë shtatzënisë.

Përdorimi i këtij bari gjatë shtatzënisë dhe ushqimit me gji është i lejuar nën kontrollin e mjekut.

### Drejtimi i automjetit dhe përdorimi i makinerive

Ky bar nuk ka ndikim mbi aftësinë për të drejtuar automjetin dhe përdorur makineri.

### 3. SI TA MERRNI KLORUR NATRIUMI

Mjeku juaj do t'ju informojë për sasinë e Klorur natriumi që duhet të merrni dhe kur ta merrni atë. Është e rëndësishme që të ndiqni udhëzimet e mjekut tuaj me përpikmëri dhe asnjëherë ta ndryshoni dozën

vetë, sido që të ndiheni.

Pyesni mjekun apo farmacistin tuaj nëse jeni të pasigurt për dozën që duhet të merrni dhe kur duhet ta merrni atë.

Kloruri i natriumit, tretësisirë e injektueshme jepet në mënyrë parenterale (intravenoze).

Për një të rritur, kërkesat ditore për natrium dhe klor mund të plotësohen nga perfuzionimi i 1 L tretësisirë për perfuzion Klorur natriumi 0.9 % (154 milibarazvlerës natrium dhe 154 milibarazvlerës klor).

### Në qoftë se keni marrë më shumë Klorur natriumi

Në qoftë se keni marrë më shumë Klorur natriumi se sasia që duhet të merrni, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Efektet anësore që ndodhin nga mbidozimi i Klorur natriumi janë efektet më serioze të hipernatremisë, si: dehidratimi i trurit, i cili mund të shkaktojë përgjumje, çoroditje që përparon në konvulsion, koma, insuficiencë në frymëmarrje dhe vdekje.

### Në qoftë se harroni të merrni Klorur natriumi

Në qoftë se harroni një dozë Klorur natriumi, pyesni mjekun ose farmacistin tuaj.  
Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

### 4. EFEKTE ANËSORE TË MUNDSHME

Si të gjitha barnat e tjera, Klorur natriumi mund të shkaktojë efekte anësore, megjithëse jo çdokush i manifeston.

Injektimi i dozave të mëdha mund të shkaktojë:

- hipernatremi dhe edema (si pasojë e akumulimit të joneve natrium);
- acidozë (si pasojë e akumulimit të joneve klor).

### 5. SI TA RUANI KLORUR NATRIUMI

Mbajeni larg fëmijëve!

Mos e përdorni tretësisirën Klorur natriumi pas datës së skadencës, e cila është e shënuar në paketim.

Mos e ruani në temperaturë mbi 25°C!

### 6. INFORMACION I MËTEJSHËM

#### Çfarë përmban Klorur natriumi – Tretësisirë për injeksion 1000 mg / 10 ml (10 %)

Lënda vepruese është klorur natriumi.

Çdo ampulë 10 ml përmban 1000 mg klorur natriumi.

Përbërësit e tjerë: ujë për injeksion.

#### Çfarë përmban Klorur natriumi – Tretësisirë për injeksion 85 mg / 10 ml (0.85 %)

Lënda vepruese është klorur natriumi.

Çdo ampulë 10 ml përmban 85 mg klorur natriumi.

Përbërësit e tjerë: ujë për injeksion.

#### Çfarë përmban Klorur natriumi – Tretësisirë për perfuzion 0.9% - shishe qelqi

Lënda vepruese është klorur natriumi.

1 ml tretësisirë për perfuzion përmban 9 mg klorur natriumi.

Përbërësit e tjerë: ujë për injeksion.

### Çfarë përmban Klorur natriumi - Tretësisirë për perfuzion 0.9% - qese plastike

Lënda vepruese është klorur natriumi.

1 ml tretësisirë për perfuzion përmban 9 mg klorur natriumi.

Përbërësit e tjerë: hidroksid natriumi dhe ujë për injeksion.

### Përmbytja e paketimit

Klorur natriumi – Tretësisirë për injeksion:

- kuti me 10 ampula;
- kuti me 100 ampula (përdorim spitalor).

Klorur natriumi – Tretësisirë për perfuzion:

- shishe qelqi 100 ml, 250 ml, 500 ml dhe 1000 ml.
- qese plastike 100 ml, 250 ml, 500 ml, 1000 ml dhe 2000 ml.

### Shpjegues i ikonave ilustruese për paketim:



Sipas recetës së mjekut.



Përmbytja.



Kujdes.



Tretësisirë për injeksion, (për perfuzion).

### Mbajtësi i autorizimit për tregtim dhe prodhuesi:



**PROFARMA Sh.a.**  
Rruga "Myslym Keta"  
Tel.: 00 355 4 23 89 602  
Tiranë - SHQIPËRI

**Ky fletëudhëzues u rishikua për herë të fundit në Shkurt 2015.**

**PAY ATTENTION**, all the layers are visible.

If you have to print this document please check or uncheck the specific layers.

SPECIFICATION



CROPING AREA 12 x 19 cm